

## Maswali

1. Mbona Samsoni alikuwa na nguvu sana?
2. Nani walikuwa adui wa Waisraeli?
3. Mwanamke aliyependwa na Samsoni aliiwa nani?
4. Wafilisti waliahidi kumpea Delila nini akiwambia siri ya nguvu ya Samsoni?
5. Samsoni aliambia Delila uongo gani 3 juu ya nguvu zake?
6. Nini ilifanyika wakati Samsoni alipoambia Delila ukweli?
7. Wafilisti walifanyaje Samsoni?
8. Nini ilifanyika Samsoni alipokuwa gerezani?
9. Samsoni alipokuwa kwa sherehe aliomba nini kutoka kwa Mungu?
10. Samsoni aliua maelfu ya Wafilisti namna gani?

## Majibu

1. Samsoni alitii Mungu. Hakukunywa divai. Hakukata nywele zake.
2. Wafilisti walikuwa adui wa Waisraeli.
3. Samsoni alimpenda Delila.
4. Vipande 1100 vya fedha.
5. Mfunge kwa kamba mbichi 7. Mfunge kwa kamba mpya. Fuma nywele zake kwa kifungu moja kubwa.
6. Wafilisti walijificha ndani ya nyumba na wakati Samsoni alikuwa akilala walikata nywele zake.
7. Wafilisti walimfanya kuwa kipofu tena wakamweka gerezani.
8. Nywele za Samsoni zilikuwa wakati alikuwa gerezani.
9. Samsoni aliomba Mungu amrudishie nguvu zake.
10. Samsoni alivuta nguzo na Hekalu ikaanguka chini na kuua maelfu ya Wafilisti.

## SHULE YA JUMAPILI YA CBM

**Awamu ya 1 Mwaka wa 3**



## 22 Samsoni na Delila

### Marejeo

Waamuzi 16:4 – 30

### Kiini cha somo

Kuonyesha kwamba katika udhaifu wa maisha yake, Samsoni aliona haja ya ukuu wa Mungu.

### Maneno maalum

- 22.1 Samsoni + hapana divai + sikate nywele + nguvu sana + piga Wafilisti + Delila + Wafilisti + vipande 1100 vya fedha
- 22.2 Delila + Samsoni + mbona nguvu + Samsoni alidanganya + kamba 7 mbichi + kamba mpya + fuma nywele + Wafilisti + Samsoni aheba
- 22.3 Samsoni + Wafilisti + kata nywele + dhaifu + gereza + kipofu
- 22.4 Nywele ikakua + karamu + nguzo za Hekalu + omba + nguvu + Hekalu iliaanguka chini + Samsoni akafa.

**22.1** Samsoni alikuwa muamuzi Israeli. Alikuwa na nguvu nyangi na alisaidia Waisraeli kupiga Wafilisti adui wao. Samsoni alikuwa na nguvu kwa sababu alitii Mungu na hakuwai kunywa divai wala kunyoa nywele zake. Kwa hivyo Mungu alimfanya awe wa nguvu sana.

Samsoni alimpenda mwanamke aliyeitwa Delila. Wafilisti walimchukia Samsoni na walitaka kumuua lakini alikuwa na nguvu na walimwogopa. Wafilisti waliambia Delila awasaidie. Wakuu wa Wafilisti walimwahidi Delila kwamba, "Ukituchunguzia sababu ya Samsoni kuwa na nguvu nyangi, kila mmoja wetu atakupea vipande elfu moja na mia moja vya fedha."

**22.2** Delila aliuliza Samsoni, "Niambie ni nini inakufanya uwe na nguvu? Unaweza kufungwa namna gani ili usitoroke?" Lakini Samsoni alidanganya Delila. Alisema, "Nikifungwa kwa kamba saba mpya mbichi, nitakuwa dhaifu."

Delila aliwaficha wakuu wa Wafilisti ndani ya nyumba yake. Alimfanya Samsoni akalala na akamfunga kwa kamba saba mpya mbichi. Baada ya kumfunga alimwita, "Samsoni, Wafilisti wanakukujia." Samsoni aliruka juu, akakata hizo kamba kwa urahisi, akatoka kwa nyumba na kutoroka.

Siku iliyofuata Samsoni alienda kumwona Delila. Delila alimuuliza Samsoni tena, ni nini ingemfanya awe dhaifu. Alimwambia kwamba akifungwa na kamba mpya, hataweza kuheba.

Tena Delila aliwaficha wakuu kwa nyumba yake. Samsoni alipokuwa akilala Delila alimfunga kwa kamba mpya. Halafu akamwita, "Samsoni, Wafilisti wanakukujia." Samsoni aliruka juu akakata hizo kamba sasa zilikuwa vipande vya pamba na akatoka kwa nyumba na kutoroka.

Delila akamwambia, "Umenidanganya mara mbili, niambie ukweli sasa." Lakini Samsoni alidanganya Delila tena, "Ukivifuma hivi vishungi saba vya nywele zangu kwa kikingi, nitakuwa dhaifu."

Delila aliwaficha wakuu wa Wafilisti ndani ya nyumba yake. Samsoni alipokuwa amelala, Delila alizifuma nywele zake kwa kikingi. Akamwita, "Samsoni, Wafilisti wanakukujia." Lakini Samsoni aliruka juu na akatoroka na vile vikingi.

**22.3** Kila mara Samsoni alienda kumuona Delila, Delila alilia akimuuliza amwambia ukweli. Mwishowe Samsoni alichoka na machozi yake na akamwambia ukweli. "Nimetii maagizo ya Mungu kwa yote aliyoambia mamangu kabla nizaliwe. Sijawahi kukunywa divai tangu nizaliwe wala kukata nywele zangu. Nywele zangu zikikatwa zote, nitakuwa dhaifu."

Delila aliwaficha wale wakuu wa Wafilisti ndani ya nyumba yake. Samsoni alipokuwa akilala, walikata nywele zake zote. Halafu Delila alimwita, "Samsoni, Wafilisti wanakukujia." Samsoni aliruka juu. Lakini hakukuwa na nguvu zo zote kwa sababu alikuwa amekaidi maneno ya Mungu. Wafilisti walimshika na kumpofusha macho. Halafu wakamtupa gerezani.



**22.4** Samsoni alikuwa gerezani kwa muda mrefu na nywele zake zikakua tena. Siku moja, Wafilisti walikuwa na karamu kubwa kwa Hekalu yao. Samsoni aliletwa kule ili wamcheke na kumfanyia msaha.

Samsoni aliongozwa na mvulana mdogo kwa sababu alikuwa kipofu. Watu wote walipokuwa wakicheka, Samsoni aliambia yule mvulana, "Niwekelee mikono yangu kwa nguzo mbili kubwa zinazo shikilia Hekalu hii. Kwa mikono yake kila mmoja kwa nguzo, Samsoni aliomba Mungu, "Ee Bwana Mungu, ninakuomba, nikumbuke na unipe nguvu mara hii tu, Ee Mungu, ili nilibize hawa Wafilisti kisasi kwa ajili ya macho yangu mbili."



Kwa hivyo Samsoni kwa nguvu zake zote, Mungu alizomrudishia akazukuma hizo nguzo za Hekalu na ikaanguka chini kwa kishindo kuu. Aliua maelfu ya Wafilisti. Mara hii Samsoni akafa na Wafilisti wengi kuliko wale alioua alipokuwa hai.